


Послелогтарның тузалары паза тузазы хоостыра теелістері



Послелогтарның лексической паза грамматической тузалары пар полча. Имяларның падежін чарытчахтаны — грамматической тузазы полча, тус, орын паза аннаң даа пасха теелістерні іле итчеткені — лексической тузазы. Аннаңар аймах-пасха послелогтар, имяның хайдағ-да пір падеж формазынаң палғалызып, пасха-пасха тузаларны читір полчалар. Тиңнестіріңер пасха-пасха послелогтарнаң палғалысчатхан сығынғы падеж формаларын: *аннаң пасха, аннаң пеер, аннаң сыгара, аннаң түзіре, аннаң оортах, аннаң иртіре*. Пу палғалыстар удур-төдір лексической тузаларынаң пасхалалчалар, че грамматической тузалары оларның пір — сығынғы падежтің тузазын іле көзідерге.

Послелогтар пір тузалығ паза көп тузалығ полчалар. Көзідімге алза: *сай* послелог тусты ла таныхтапча (*чыл сай, күннің сай*), *чили* послелог, тізең, тиңнестірігні ле (*көнектең урған чили*) — олар пірер ле тузалығлар, че *үчүн* послелог ікі тузалығ полча: ол сылтағны паза пөгінні таныхтап полча (*Наңмыр полған үчүн, походха парбаабыс; амыр чуртас үчүн күресчелер*).

Послелогтарны пасха-пасха теелістерні таныхтапчатханы хоостыра мындағ пөліктерге чар саларға чарир:

1) **ОРЫН** послелогтары:

алдыра (чазызар алдыра парча),

арали (агастар арали пас чөр),

индіре (тағ индіре чүгүр),

кире (тураа кире ойла),

пастыра (чол пастыра оттар өсче),

азыра (тағ азыра чүгүрче),

ибіре (тура ибіре өсче),

кизіре (суғ кизіре чүс),

өтіре (суғ өтіре тастар көрінче),

пеер (чолдаң пеер турча),

сыгара (Ағбаннаң сыгара Асхысха читіре кил),
тастых (аалдаң тастых турча),
тобыра (түдүн тобыра көрінче),
тогыр (чол тогыр турыбысхан),
хости (чолнаң хости турча),
читіре (арыга читіре пар),
тастых (чолдаң тастых аал),

теере (клубха теере үдес),
төбін (тағ төбін пар),
удур (оларга удур кил),
чагын (аалга чагын турча),
чогар (тағ чогар сых),

2) ТУС послелогтары:

орта (Наа чылга орта килген),
пеер (киңедең пеер чоғыл),
сыгара (пу күннең сыгара сағы),
читіре (он часха читіре ойнаан);

пасти (үс частаң пасти үзген),
сай (чыл сай кил),
теере (иртенге теере сарнааннар),

3) СИН послелогтары:

тооза (чай тооза аалда полган),
артиинаң (артых) (килограмм артиинаң ал),
ибіре (чыл ибіре азырған),
хыза (хойлар үс чүске хыза халған),
читіре (үс күнге читіре пол);

азыра (пір чүс азыра кізі чыылған),
төбін (үстең төбін ағылба),
чагын (литрге чагын сүт),

4) СЫЛТАҒ послелогтары:

сылтаанда (арғыстарының сылтаанда килтір),
көре (сині көре үзгенче),
үчүн (синің үчүн киліспеді),
хоостыра (тогыс хоостыра килгем);

5) ПӨГІН послелогы: **үчүн** (часка үчүн күресче);

6) ТИҢНЕСТІРІС послелогтары:

чили (улуғлар чили чуртаңар),
осхас (чахайах осхас хызычахтар);

7) ОБЪЕКТ послелогтары:

орнына (Васяның орнына килген);
пасха (пабамнаң пасха кізі чоғыл),
тогыр (миннең тогыр полба),
хада (ічемнең хада чурта),
хоза (халасха хоза хайах пир);

8) ЧАРЫДЫҒ послелогтары:

тогыр (огырлардаң тогыр күрезіг),
үчүн (чиңіс үчүн күрезіг);

9)ДЕЙСТВИЕ ОҢДАЙЫНЫҢ послелогтары:

чапсыра (хазаага чапсыра пүдір),
сіри (стенаа сіри турғыс),
хоостыра (план хоостыра тогын);

10) **ТИРІГ** послелогтары:
настыра (радио настыра чоохтан),
хоостыра (тогызы хоостыра піліп алча).

Пір послелог нинче-нинче тузаларны таныхтап полча. Иди, *азыра*, *чагын*, *читіре* послелогтар орынны, тусты, действиенің синін көзітчелер, *хоостыра* послелог сылтағны, тирігні, предметтің пілдіриин чарытча, көзідімге алза: *тағ азыра пар, пір күн азыра пар, килограмм азыра пир; минің хоостыра пайыпча, газета хоостыра пілче, чир хоостыра талазыг.*

Послелогтарның тузазы хоостыра теелістері

Послелогтарның хай піреелері тузазы хоостыра чағын — синонимичнай — тузалығ полчалар:

тағ индіре турча — *тағ төбін турча*;
ағасха теере чүгүр — *ағасха читіре чүгүр*;
чайгыдаң неер килбеді — *чайгыдаң сыгара килбеді*;
чүс азыра кізі полған — *чүс артиинаң кізі полған*;
чыл ибіре тогын — *чыл тооза тогын*.

Послелогтарның аразында ідөк тоғыр — антонимичнай — тузалығ послелогтар парлар:

суғ индіре чуртапча — *суғ чоғар чуртапча*;
арығзар алдыра парча — *арығдаң неер килче*;
иртеннең сыгара сағы — *иртенге теере (читіре) сағы*;
чолдаң тастых турча — *чолға чагын турча*.

Чағын алай тоғыр тузалығ өөнінде орын, тус паза син послелогтары пол полчалар.

Литература

1. Боргояков В.А., Медведева М.А., Кызласова И.Л., Чебодева Л.А. Хакас тілі. Морфология (Пос алынча чоох чардыхтары): үгредіг пособиезі/ В. А. Боргояков, М. А. Медведева и др. – Ағбан: Н. Ф. Катановтың адынаң хакас хазна университетінің издательствозы, 2018.
2. Грамматика хакасского языка [Текст] / Под ред. Баскакова Н.А. – М.: Наука, 1975.
3. Сравнительно-историческая грамматика тюркских языков. Лексика [Текст]. – М., 2001. – С. 692-693.
4. Хакас тілі. Морфология [Текст] / 021700.02 Филология (Хакас тілі паза литература) специальностьча үгренчеткен студенттерге үгредіг пособие / филнд Карповтың В.Г. редакциязынаң – Ағбан: Н.Ф. Катановтың адынаң Хакас хазна университетінің издательствозы, 2004. – С. 38-45.